

Službene novine Federacije BiH, broj 52/08

Na osnovu člana 35. stav 3. Zakona o zdravstvenom osiguranju ("Službene novine Federacije BiH", broj 30/97 i 7/02), Vlada Federacije Bosne i Hercegovine na 66. sjednici, održanoj 19. augusta 2008. godine, donosi

ODLUKU

O IZMJENAMA I DOPUNAMA ODLUKE O UTVRĐIVANJU PRIORITETNIH VERTIKALNIH PROGRAMA ZDRAVSTVENE ZAŠTITE OD INTERESA ZA FEDERACIJU BOSNE I HERCEGOVINE I PRIORITETNIH NAJSLOŽENIJIH OBLIKA ZDRAVSTVENE ZAŠTITE IZ ODREĐENIH SPECIJALISTIČKIH DJELATNOSTI KOJE ĆE SE PRUŽATI OSIGURANIM LICIMA NA TERITORIJU FEDERACIJE BOSNE I HERCEGOVINE

I.

U Odluci o utvrđivanju prioriteta vertikalnih programa zdravstvene zaštite od interesa za Federaciju Bosne i Hercegovine i prioriteta najsluženijih oblika zdravstvene zaštite iz određenih specijalističkih djelatnosti koje će se pružati osiguranim osobama na teritoriju Federacije Bosne i Hercegovine ("Službene novine Federacije BiH", broj 8/05, 11/07, 44/07 i 97a/07), u Poglavlju "PRIORITETNI FEDERALNI PROGRAMI ZDRAVSTVENE ZAŠTITE", u tački III, podtačkom f) "Preventivni programi i programi unapređenja zdravlja djece", stav 2. u alineji dva, iza riječi "hipotireoidizam" riječ "i" zamjenjuje se zarezom, a iza riječi "fenilketonuriju" briše se zarez i dodaju riječi: "i adrenalnu hiperplasiu".

Iza alineje dva, dodaje se nova alineja tri, koja glasi:

"Program profilakse respiratornog sincicijalnog virusa (RSV) ugroženih grupa djece palivizumabom u Federaciji".

Dosadašnje alineje tri i četiri, postaju alineje četiri i pet.

II.

U Poglavlju "PRIORITETNI NAJSLOŽENIJI OBLICI ZDRAVSTVENE ZAŠTITE", u tački IV, u podtački 7. "Transplantologija", pod tač. 7.1. i 7.2., na kraju iza riječi "transplantacije", tačka se zamjenjuje zarezom i dodaju riječi: "kao i dijagnostičke pretrage u svrhu upućivanja na listu čekanja za transplantaciju bubrega i za vrijeme čekanja".

Iza podtačke 8. "Nuklearna medicina", dodaju se nove podtačke 9, 10. i 11, koje glase:

"9. Vaskularna hirurgija, invazivna i interventna angiologija

9.1. Hirurgija krvnih sudova glave i vrata:

9.1.1. Operacije karotidnih arterija

9.1.2. Operacija ostalih ekstrakranijalnih krvnih sudova

9.2. Hirurgija krvnih sudova trbuha:

9.2.1. Aneurizma abdominalne aorte

9.3. Invazivno-interventne dijagnostičko-terapijske procedure na krvnim sudovima

9.3.1 Embolizacija cerebralnih krvnih sudova

9.3.2. Stentiranje karotida

9.3.3. Koilovanje i stentiranje aeurizmi

10. Terapija hiprebaričnom komorom:

10.1. Komplikacija maligne bolesti nakon radijacione terapije

10.2. Multiple skleroze

10.3. Stanja nakon transplantata kože

10.4. Stanja nakon reimplantacije dijelova ekstremiteta

11. Najsloženiji oblici, zdravstvene zaštite iz oblasti urologije i to:

11.1. Inplantacija vještačkog sfinktera uretre, AMS-800

11.2. Cistektomija sa supravezikalnom derivacijom (Bricker, Mainz-Pouch, Hautman)"

III.

Ova Odluka stupa na snagu narednog dana od dana objave u "Službenim novinama Federacije BiH".

**V broj 724/08
19. augusta/kolovoza 2008. godine
Sarajevo**

**Premijer
dr. Nedžad Branković, s. r.**